

DE ANTIQUIS  
FORMULIS FIDEI  
EARUMQUE USU  
*EXERCITATIO*

HABITA  
IN COLLEGIO ROMANO

*Anno MDCCLVI. Mense Septembri  
Die 2. a PP. Soc. Jesu.*



BIBLIOTHECA NAZ.  
ROMA  
STUDIO EMANUELE

ROMÆ, MDCCLVI.

EX TYPOGRAPHIA GENEROSI SALOMONI  
SUPERIORUM FACULTATE.

THE SLOAN

USE FURNISH

CITIZENSHIP

AT THE

GRAND OFFICE IN

THE NATIONAL  
MUSEUM

WASHINGTON, D. C.



# DE ANTIQUIS FIDEI FORMULIS EARUMQUE USU.



Nihil est, quod, meo quidem iudicio, luculentius illustrare Ecclesiæ traditionem, atque apertius demonstrare possit (cui quidem traditioni exponendæ, atque illustrandæ quilibet vero nomine Theologus studia sua potissimum impendere, ac consecrare deberet) quam formularum Fidei, quæ in Catholicis Ecclesiis obtinuerunt, solers, & accurata inquisitio, ac docta, prudensque explicatio. Nam Patrum uniuscujuslibet scripta, privatum hominis unius sensum significare plerumque possunt; hæ vero formulæ universi populi illius cum Pastore, atque Episcopo suo fidem. Itaque mirum mihi quandoque accidit cogitanti, quantopere in Patrum operibus erendis, recognoscendis, illustrandis, recentiorum præsertim eruditum hominum laboraverit industria (& sane merito, non enim eos reprehendo, sed laudo, & commendatione omnium, atque præconiis dignos iudico), cum formulas has neglexisse penitus videantur. Non me præterit, Binghamum hominem heterodoxum, quasdam illarum antiquissimas collegisse (1); Joannem Garnerium virum doctissimum, atque acutissimum Pelagianorum historiæ explicandæ hoc quoque addidisse, ut de libellis fidei scriptis ab auctoribus, & præcipue defensoribus Hæresis Pelagianæ, dissertationem scriberet (2); item Quesnellum (3) de Fidei libellis, quæ in Canonum Codice illo in-

A 2

vener-

(1) Origin. Eccles. L. x. cap. 4.

(2) Dissertat. v. pag. 283.

(3) Dissert. XIV. ad Oper. S. Leon. tom. 1. pag. 276.

venerat. Verum qui diligentius formulas antiquas omnes, aut illustriores saltem editas conquiescit, collegerit, illustraverit, equidem novi neminem (1). Atqui acutius homines debebat Hæreticorum ipsorum exemplum, qui fidei eorum recentiores formulas (quod in eo se præsidium aliquod reperire posse credebant) collegerunt: extatque opus inscriptum, *Corpus, & syntagma Confessionum Fidei* (2). Nec Catholicorum modo, sed Garnerii exemplo, Heterodoxorum etiam suas colligere oportebat, quod hoc quoque ad eorum errores cognoscendos, refutandosque juvare plurimum posse videatur. Speramus tamen, cum dies, semper aliquid afferat novi, novum etiam hoc Ecclesiasticæ Traditioni præsidium aliquando non defuturum. Nos, quibus nunc scheda dumtaxat adolescentibus nostris, exercitationis argumentum scribenda est, brevissima capita quædam, quæ ad hujusmodi formularum usum spectant, attingemus.

2. Antea tamen diversa formularum ipsarum genera distinguenda. Nam alia, ut diximus, Catholicarum Ecclesiarum sunt, quibus fidem suam adversus Hæreticos, a quibus infestabantur, explicabant, atque alia sunt ipsorum Hæreticorum, quos quidem, formulas has variasse identidem, nulla alia necessitate, quam tuendi erroris, vel declinandis argumenta Catholicorum consuevisse, ex historia constat, præter Hæreticorum ipsum ingenium, quorum sermo, ait S. Hilarius (3), *in orbem semper, & circulum erroris inflexus, nihil tenens, & in nullo consistent, indefinita sententia cursu; recursu quo jactatur*. Sunt præterea ex ipsis vel Catholicis, vel Hæreticis formulis aliæ, quæ omnia Fidei capita præcipua explicant; aliæ, quæ unum, vel alterum dumtaxat; quod illud nimirum profiteri maxime ii, quorum causa formula condita est, deberent, aut velent. Tale est symbolum, quod fidei Elipandianæ dicitur (4) & quod inscribitur (5) Professio fidei Gerberti Remorum Archiepiscopi. Diversitates formularum alias negligimus, quod ad institutum nostrum necessaria non est earum distinctio. Omittendum tamen non est, etsi aliæ aliis longiores sint formulæ; ut formulæ tamen sint, brevitatem aliquam servare debere.

(1) Antonius Augustinus Touttè ad Cyrill. Hierosol. in Observet. ad Symbol. Hierosol. pag. 80. suam quædam Symbolorum Collectionem memorat; ut nostram Symbolorum collectionem vel leviter inspicienti patet.

Sed hanc nunquam videre potui.

(1) Geneva 1654. (2) In Psalm. 1. num. 3. (4) Tom. XIII. Biblioth. PP. edit. Lugdun. pag. 363. (3) Coll. CC. Hard. tom. 6. part. 1. col. 725.

bere. Quare Magnus Senonensis Archiepiscopus (1), *Est brevis Fidei verbum, & olim a Propheta prædictum, quoniam verbum breviter faciet Dominus super terram*. Apostolicum Symbolum, formularum omnium fontem, *Brevem & perfectam Fidei confessionem* vocat S. Leo (2). Brevitatem hanc requirebat rudium puerorumque institutio, cui fidei formula pleræque inferiebant: præcipue cum scribi a Catechumenis non possent, sed essent mandandæ memoriæ. Atque hinc Augustinus (3); *Est autem Fides Catholica in Symbolo nota fidelibus, memoriaque mandata, quantum res passa est brevitate sermonis, ut incipientibus atque lætulentibus paucis verbis credendum constitueretur, quod proficientibus, & ad Divinam doctrinam surgentibus multis verbis exponendo esset perficiendum*. Posiretum hoc opus, quod ad Proficientes spectabat, *Tractatus* communiori vocabulo dici consuevit; Formulæ vero fidei *µαθήµατα*, quod memoriter discerentur, a Catechumenis, ut Valesius explicat (4), & usitatius etiam *Symbula*, cujus postremi nominis variam interpretationes PP. (5) asserunt; ego certissimam puto, quæ idem ita explicat, quod sit *testera quadam & signaculum*, ut Maximus Taurinensis etiam interpretatur (6), quo inter Fideles perfidosque *secernitur*. Itaque Rufinus (7), Hincmarus (8), iisdemque verbis Theodulphus (9), aliique *Indicium* interpretatur, & *signum*. *Indicium*, ait Hincmarus (10), *quia per id indicatur Fidei integritas: Signum, quod eo bene retento & intellecto Fideles ab Infidelibus secernuntur*. Sed de nominibus non est meum disserere, eaque explicavit Bingamus (11), nec tamen omnia: quare & hoc postremum, quo *Indicium*, & *signum* dicitur præterit.

3. Atque hic primus Symbolorum, sive Formularum Fidei usus; ut ad pueros, & rudes præsertim in Fide instituendos informandosque adhiberentur; ut ita facile possent summa & præcipua capita Christianorum dogmatum cognoscere, & memoria retinere. Atque hinc nimirum *Traditio Symboli*; hinc *Symboli relatio*, hinc etiam *Scrutinium*, quæ in Liturgicis libris toties occurrunt. Nam ad Symbolam, utrum nimirum memoria illud Catechumeni tenerent, pertinuisse Scrutinium, indicat

A 3

dicat

(1) De Myſter. Baptiſm.

(2) Ep. 27. ad Pulcher. cap. 4.

(3) Lib. de Symbol. cap. 1.

(4) Ad Socrat. lib. 1. cap. 8.

(5) V. Rufin. expof. Symb. Bedam lib. 2. cap. 23. Comment. ad Proverb.

Hincmarum &amp;c.

Symb. (7) L. all.

(8) Lib. de Baptiſmo cap. 1.

(9) De Ordine Baptiſm.

(10) Ep. ad Presb. Remenf. de Baptiſm. (11) L. all.

dicat Magnus Senonensis (1); *A scrutando dicitur Scrutinium; quia tunc scrutandi sunt Catechumeni, si rectam jam noviter fidem Symboli eis traditam firmiter teneant.* Alii a scrutanda potius eorum voluntate, & in proposito amplectendæ Christianæ Religionis constantia, deducere videntur, ut Leidradus (2); *Eo quod, inquit, ibi scrutarentur corda credentium & dubitantium a sacerdotibus, ut intelligerent, quis ad baptismum jam rite admitteretur, quis adhuc differetur:* quam rationem attigit etiam laudato loco Magnus. Ex hac veluti duplici scrutatione, quod eorum voluntatem in Fide amplectenda, & quod scientiam in tenendo Symbolo periclitarentur, factum puto; ut duplex esset modus Symboli enunciandi; Indicativus unus; alter, ut ajunt, Interrogativus. Antiquissimum esse hunc modum, interrogando fidem de singulis Fidei articulis a Catechumenis exquirere, tradit Menardus (3) ex Dionysio Alexandrino, Cypriano, Optato &c. Sed alium exclusisse non puto, atque unum alteri junctum, uti nunc etiam fit in ipso Baptismatis sacramento; atque olim factum, præter cetera illud indicat, quod in Sacramentario Gregoriano Pamelii legitur (4); *In Sabbato Sancte Paschæ ad reddentes dicit Dominus Papa post mysterium:* quam lectionem, de qua vir doctus dubitat, Amalarius confirmat (5). Indicativo modo Symbolum pronuntiatum, & cum reddebatur, & in ipso baptismo, ex Ritualibus antiquis libris constat. Interrogativus ergo ille eò pertinebat, ut exploraretur voluntas, Fidem, & quæ Fidei sunt dogmata profitendi; itaque erat professio & testimonium quod ab ipsis reddebatur, ut de eorum voluntate constaret. Atque ita explicari posse credo, quæ de numero Scrutiniorum vario in eadem Ecclesia, iisdemque temporibus leguntur; quod scilicet prima Scrutinia, quibus voluntas præcipue explorabatur, nec dum Symbolum traditum erat, in Scrutiniorum numero non haberentur. Quod fecisse videtur Jos. R. E. Diaconus in epistola ad Senarium, quam Mabillonius produxit (6). Respondens enim Senario interroganti; *Quare tertio ante Pascha scrutinentur infantes?* scribit, *Dehinc quodam profectu, atque provectu ille, qui dudum exsufflatus diabolicis laqueis pompisque renuntiaverat, Symboli ab Apostolis traditi, jam meretur verba suscipere; ut qui paullo ante solum Catechuminus dicebatur, nunc etiam vocetur Competens vel Electus.* Conceptus enim

(1) De Myster. Baptismat. ap. Marten. tom. 1. vet. edit. pag. 158.

(2) Lib. de Baptism. cap. 1.

(3) In Sacrament. Gregor. not. 381.

(4) Tom. 2. pag. 263.

(5) De Ecclesiast. offic. lib. 7. cap. 23.

(6) Tom. 1. Mus. Ital. pag. 69. edit.

Parisi. 1724.

anim est in utero matris Ecclesia, & vivere jam incipit, etiamsi nondum sacri partus tempus expleverit. Tunc fiunt illa quæ ab Ecclesiastica consuetudine Scrutinia dicuntur. Notum est, in Romana Ecclesia ante ipsam Symboli Traditionem aliquot Scrutinia fieri consueville; quæ Scrutiniorum numero habere non videtur Joannes; ideo fortasse positum est in ea interrogatione Tertio. Quamquam commodius fortasse referas ad numerum dierum ante Pascha; nam ex ordine Romano (1); Quarta feria apud cultores Ecclesia in apertione aurium dicitur. Eadem die agitur Scrutinium Tertium, quod maximum est inter septem Scrutinia . . . eadem die percipiunt Orationem Dominicam, & Symbolum ad reddendum in Sabbato S. Pascha.

4. Alter est ulus Symboli, quo inter sacras preces adhibetur in Sacramentis administrandis, decantandis Officiis Divinis, & Sacra Liturgia. Verum hac de re tam multi ex Liturgicis Scriptoribus (2), ut neque hæc illorum describere videatur fore operæ pretium, & quod illis addam habeo nihil. Commemorabo illud dumtaxat; Symbolo Apostolorum, & Nicæno, aliud additum, nomine S. Athanasii. Hæc tria Christianæ Religionis principia (3) appellat Anselmus Beccensis. Mysticas vero significationes qualiam in modo ea pronuntiandi, Vaurenſis Concilii PP. (4) agnoscunt. Sed, quod ex usu hoc Ecclesiastico, in quo S. Athanasii Symbolum appellatur, pro vero ejus auctore asserendo Athanasio, argumentum repetit Bellarminus (5), infirmum omnino est. Nam præterquamquod, nunc quoque in Ecclesiasticis libris nonnulla leguntur adscripto Augustini, Hieronymi, Ambrosii, aliorumque PP. nomine, quæ eorum nequaquam esse, communi veluti consensu ab eruditioribus Criticis decernitur; serius usu receptum est, ut in Divinis Officiis Symbolum hoc recitaretur. Cum in Regula S. Benedicti nulla ejus mentio habeatur; colligunt Sæculo vi. minime inductum esse hunc morem; etenim alia ibidem commemorantur. Quin etiam ante Sæculum viii. probari non potest id factitatum fuisse, sive ante Hattonem Basileensem, id statuentem in Capitulari (6); ut Fides S. Athanasii a Sacerdotibus dicatur, & ex corde die Dominico ad Primam recitetur. Addebat

A. 4

Bel

(1) Apud Hittorp. pag. 22. edit. Rom. 1561.

(2) Card. Bona lib. 2. RR. LL. cap. 2., Martene lib. 1. cap. 4., Dominicus Georgius de liturg. R. P. tom. 2. cap. 20. Cl. Alexander Lesleo ad Mis-

sale Mozarab. pag. 543. &c.

(3) Collect. CC. Hard. tom. 6. part. 2. col. 1597.

(4) Ibid. tom. 7. col. 1806.

(5) De Script. Eccl. in Athanas.

(6) Tom. 4. Spicil. Dachæ. vet. edit.

Bellarminus S. Augustini testimonium ; idque inculpavit etiam Labbeus, licet ab incerto Auctore esse latinum hoc Symbolum fateatur. Verum esse illud suppositum nunc vulgo eruditiores agnoscent. Nam diu est, cum Lovanientes in recensione Operum S. Augustini ea verba abesse a mss. codd. testati sunt ; itemque Maurini Monachi a suis, & Muratorius a vetustissimo Bibliothecæ Mediolanensis exemplo : itaque de fide ejus dubia Tillemontius, Montfauconius, Hermant admonuerunt ; atque ante hos Petavius (1). Quod quidem ideo volui hoc loco ponere, quod mirum accidit mihi, id Criticæ intemperantiori tribui a recens edito Polemico Auctore (2) ; hujus vero auctoritati, opponi auctoritas potest omnium ferme recentiorum eruditiorumque scriptorum (3). Unum vidi, qui non sine laude pro Athanasio Symboli auctore certat, Auctorem Dissertationis Gallice scriptæ & Lugduni A. mdcxxx. editæ (4). Verum, ut hoc quoque dicam, argumentum quod toto *Articulo* vii, veriat de mss. codd., & quo præcipue nititur videtur, ei nocere potius quam favere putor. Atque ille quidem manuscriptorum codicum recensionem desumpsit a Cl. Montfauconio, qui diligenter iisdem enumeratis statuerat, Symbolum hoc esse Athanasio abjudicandum. At quid illi, Auctori nostro profunt ? Primus codex antiquissimus mutilus est. Ergo nulli favet. Sed ille vult esse præsumendum, nomen prætulisse Athanasii (5) : quo jure ? quo argumento ? Alteri quem Usserius appellat, hic est titulus : *Fides Catholica*. Hic ei potius nocet ; neque enim, si Athanasii esset, omissum fuisset celeberrimum nomen, & tanta, quæ ex illo accedebat, operi commendatio. Ita devolvimur ad Pipini ætatem & Sæculum viii. quo

(1) De Trinit. lib. 3. cap. 8. num. 7.

(2) Tom. i. pag. 71. (3) Le Quien Dissertat. Damasch. num. 17. pag. 9. *Hanc quidem Fidem Athanasii M. Alexandr. ni non esse, certo certius est. Mabillonius a Papebrochio laudatus in Resp. Art. XIII. num. 31. Symbolum Athanasii non esse eruditissimi plerique consensunt, quamvis ejus determinate sit Autoris inter, se non consensient. Benedictus XIII. in Synodico Beneventano art. 7. pag. 56. Symbolum quicunque vult salvas esse S. Athanasio in Evidentiis hodiernis adscriptum, . . . illius non esse, eruditissimi plerique sentiunt, Ceillier tom. 3.*

pag. 292. *Il paroît démontré qu'il n'est point de S. Athanase. Præter Quæsn. Diss. xlv. ad. S. L. Jam omnium fere eruditorum consensu constat, opusculum istud S. Athanasii Alex. sætum non esse, Tillemont. tom. 8. not. 34. Presque toutes les personnes habiles convenient aujourd'hui que Dupin. Présentement tout le monde convient qu'il n'est point de lui.*

(4) *Dissertation touchant l'Auteur du Symbole Quicumque &c. par un Licencié de Sorbonne. (5) On a osé de présumer qu'il portoit le nom de Saint Athanase.*



quo scriptus, ut putatur, Sangermanensis codex habet quidem *Fides S. Athanasii Episcopi Alexandria*. Sed quis vel mediocriter doctus huiusmodi testimonium recipiat; de antiquiori nimirum re, illorum temporum, quibus cum Carolus M. instaurare scholas vellet, vix Grammaticæ Magistros duos reperire potuit; & cum innumera monumenta neglecta ab omnibus intercidissent, apertissimus campus patuit hominibus aut fraudulentis, aut semidoctis, qui cum se ignorare quod nesciebant (qui mos est horum) fateri nollent, aut maiorem operibus commendationem adungere, nomina scriptorum commutare, nova cudere, dubia venditare pro certis, aliaque facere, quæ periti horum temporum sciunt, consuevere. Cum ergo ab hac solum ætate in mss. codd. Athanasii nomen compareat, nullum ex illis argumentum desumi potest pro vindicando hoc opere Athanasio: præsertim cum antiquissimus eorum, qui hoc Symbolum explanarunt, Fortunatus Sæculo vi. eum ne verbo quidem appellarit; atque in vetustissimo codice, quem Muratorius vidit (1) legatur dumtaxat *Expositio Fidei Catholica Fortunati*; uti alia quoque *Expositio*, quam idem vir doctus (2) ait se in illo eodem codice reperisse.

5. Redeo ad harum formularum usus, quorum inter præcipuos is fuit, ut recens electi Pontifices fidem suam aliqua formula scripta manu sua testarentur. Atque huiusmodi puto eam fuisse, quam in Gregorii M. Vita Joannes Diaconus descripsit (3) præfatus; *Denique in specula sancta universalis Ecclesie vir totius humilitatis, austeritatis, ac orthodoxie, unde viveri & audiri clavius Evangelicus præco valeret, consistens, oris sui divinisimo gladio & rectam fidem munivit, & cunctas hæreses uno Symbolo dissipavit*. Atque huic Symbolo subijcit Joannes Gregorii Synodicam, quam Gregorius, inquit, secundum præscum decessorum suorum morem Jo. Constantinopolitano, Eulogio Alexandrino, Gregorio Antiocheno, Johanni Hierosolymitano, & Anastasio Patriarchæ Antiocheno destinavit. In ea professio quædam fidei continetur; *Quia, ait, corde creditur ad justitiam, ore autem confessio fit ad salutem, sicut sancti Evangelii iv. libros, sc. iv. Concilia suscipere, & venerari me fateor &c.* Explicavit hæc optime Garnerius *librum Diurnum* recensens Romanorum Pontificum, quo hæc omnia continentur (4); do-

A 5

cuitque

(1) Tom. 2. Anecd. (2) Ib. pag. 228 Vide & Danielelem Waterland pag. 88. (3) Lib. 2. num. 2. tom. 4.

edit. Oper. S. Greg. M. M. Paris. col. 45.  
(4) Cap. 2. *De ordinatione Summi Pontificis.*

coram B. Petri corpore, testatur ejus subscriptio apud Garnetium & Holstenium, *III.* (1) *Episcopus Sanctæ Catholicae atque Apostolicae Ecclesiæ Urbis Romæ huic professioni rectæ & Orthodoxæ fidei, sicut superius legitur, subscripsi, eamque ad corpus tuum, Beate Petre Apostole, obtuli consolidandam.* Tertia cur non sit a librariis apposita, eadem causâ esse potuit, quod bis eadem exscribere eos pigeret, nec vero necessarium esse judicaret. Formularum fidei hic usus non ita Romani Pontificis proprius erat, ut ad alios Episcopos non pertineret, quod ex eodem libro Diurno colligitur (2). Postea est ad alios etiam translatus, ut multi docuerunt (3). Nec in electione solum id Episcopi faciebant; sed cum adducti in alias regiones communionem eorum Episcoporum petebant; præsertim vero Romæ si essent, & Romanæ Ecclesiæ communionem postularent; aliqua vero de iis suspicio emanasset.

6. Habemus hujus postremi generis exempla multa, ut Marcelli Ancyрани apud Epiphanium (4); de qua quidem professione, quæ ibi legitur, etsi dubitaverit Baronius (5), an ea sit, quæ est tum Julio Pontifici oblata, nos tamen minime in suspicionem esse adducendam censemus. Alia formula sive *ἐκθεσις πίστεως*, idest Fidei expositio edita est a Montfauconio (6), nomine ejusdem, atque ipsius Clericorum, cum, ut ibidem ajunt, in crimine vocarentur, quod aliena a fide sentirent. Nullam S. Athanasii, qui cum Marcello in communionem a Julio receptus est (7), Fidei formulam, aut expositionem habemus, vel quod scelerum potius quorundam quam violatæ fidei accusaretur, vel quod satis perspecta Julio esset illius Fides. Nam quæ Athanasii nomine nunc quoque extat Fidei expositio, se ipsa prodit, suppositam sanctissimo doctissimoque viro fuisse (8), & est etiam inscripta Liberio. Alia etiam causâ esse potuit, quod, cum ille, ut Hilarius, & multi, hunc novarum condendarum Fidei formularum morem non satis probare viderentur, id fecisset ex consueta & vulgari Nicæna formula. Ita etiam interpretor quod de Hilario Sulpicius Severus narrat (9); *Is ubi Sele-*

(1) Notum est. *III.* indicare nomen ponendum, idemque valere, quod nunc *N.N.* Litteram *N.* loco nominis proprii Menardus *ad Sacramentum. S. Gregor.* paulo ante annum M. poni cœpisse putat. Mabillonius ante annos octingentos; quod adnotavit Du Cangius. V. lib. 2. A. Diplom. cap. 22, num. 17.

(2) Tit. 6. & c. (3) V. SS. D. N. BENEDICTUM XIV. de Synod. Diœc. lib. v. cap. 2. (4) Hæres. 82. n. 3. & ap. Coustant. pag. 390.

(5) Ad 2. 341.

(6) Collect. nov. PP. tom. 2. p. 1.

(7) V. Jul. epist. ex recens. Coustant. n. 9. col. 367. (8) V. eundem Coustant. Append. col. 95. (9) Lib. 2. cap. 42.

*Seleuciam venit, magno cum favore exceptus, omnium in se animos, & studia converterat: ac primum quaesitum ab eo, quæ esset Gal-  
lorum fides; quia tum Arrianis prava de nobis vulgantisus suspen-  
sio ab Orientalibus habebatur, trionymam solitarii Dei unionem  
secundum Sabellium credidisse; sed exposita fide sua, juxta ea, quæ  
Nicaæ erant a Patribus conscripta, Occidentalibus perhibuit tes-  
timonium. Quamquam formularum hujusmodi loco haberi pos-  
sunt conclusiones illius operis de Trinitate, & præcipue alte-  
rius quem Constantio Augusto inscripsit (1). Ex quibus etiam  
perspicitur, amasse quosdam has formulas, etsi a nemine po-  
stularentur, scribere; aut alia cum scriberent, illis inferere.  
Hæreticorum vero, aut quorum in suspensionem adducta fides  
fuerat, extant harum formularum multæ, sive Catholicæ, cum  
Ecclesiasticæ communioni reddebantur, sive Hæreticæ cum in  
eorum erroribus obfirmabantur. Hujusmodi est Theodori Mo-  
puesteni Symbolum a Mario Mercatore productum & refuta-  
tum (2), & Arianorum illæ multæ, quas Athanasius, &  
Hilarius referunt: Ursacii & Valentis Arianæ factionum prin-  
cipum libellus Julio Pontifici datus, Catholicus (3), Theodoretæ  
professio fidei, quam Baronius etiam recitat (4): item Leporii qui  
a Sirmundo recensitus (5) inscribitur libellus emendationis seu  
satisfactionis; cumque Augustini esse opus contendit Quesnel-  
lus (6): quamquam hujus uberior sermo ab hoc genere formu-  
larum, de quo dicimus excludere possit.*

7. Atque hinc nimitum celeberrimus & frequentissimus ha-  
rum formularum sive libellorum usus, quibus ad Catholicam  
Ecclesiam redeuntes Hæretici cogebantur errores suos damna-  
re, veramque Fidem profiteri. Hunc inter modos quibus Ec-  
cle-

(1) *Intelliges a me in Sacramento  
solum Dei veri, & quem nisi Jesum  
Christum, predicari unum Deum pa-  
trem, ex quo omnia, & unum D. J.  
C. per quem omnia, natum ex Deo, qui  
est ante tempora æterna, & erat in  
principio apud Deum, Deus Verbum,  
qui est imago Dei invisibilis, in quo  
habitat omnis plenitudo Divinitutis  
corporaliter; qui cum in forma Dei  
esset, humilians se salutis nostræ cau-  
sa, formam servi in conceptu Spi-  
ritus S. de Virgine accepit, factus o-  
bediens usque ad mortem, mortem autem  
crucis; & post resurrectionem mortis,  
deinde in caelestibus sedens, aderit ju-*

*den divorum & mortuorum, & rex  
omnium æternorum seculorum. Est  
enim Unigenitus Deus, & Deus verus,  
& Deus magnus, & super omnia Deus;  
& omnis lingua confitebitur, quia D.  
J. C. in gloria Dei Patris est. Hæc  
ego in Spiritu S. ita credidi, ut ultra  
hanc de D. J. C. fidem non possim docere  
&c.* (2) V. Part. 2. edit. Garn.  
pag. 251. (3) V. Athanas. in Apol.  
contra Ar. 2. 58. (p. 176.)

(4) Ad a. 444. num. 25.

(5) Extat etiam tom. 7. Bibl. PP.  
edit. Lugd. (6) In ep. 134. S. Leon.  
tom. 2. pag. 508.

clesiae reconciliabantur, qui ab ea sejuncti fuerant numeravi  
 S. Gregorius (1). Equidem ab antiqua Patrum institutione didi-  
 cimus ut quilibet apud haeresim in Trinitatis nomine baptizantur  
 cum ad sanctam Ecclesiam redeunt, aut unctione Chrismatis, aut  
 impositione manus, aut sola professione fidei ad sinum matris Eccle-  
 siae revocentur. Unde Arianos per impositionem manus Occidens,  
 per unctionem vero sancti Chrismatis ad ingressum sanctae Ecclesiae  
 Catholica Oriens reformat. Monophysitas vero, & alios ex sola  
 vera confessione recipit; quia sanctum baptismum, quod sunt apud  
 Haereticos consecuti, tunc in eis vires emundationis recipit; cum  
 vel illi per impositionem manus Spiritum Sanctum acceperint, vel  
 isti propter professionem verae fidei sanctae & universalis Ecclesiae  
 visceribus fuerint uniti. Difficilis visus est hic locus viris do-  
 ctis, maxime si cum aliis comparatur, Siricii (2); Arianos nos-  
 eum Novatianis, aliisque Haereticis; sicut est in Synodo constitutum,  
 per invocationem septiformis Spiritus, Episcopalis manus im-  
 positione, Catholicorum conventui sociamus; quod etiam totus Oriens  
 Occidensque custodit. & S. Innocentii (3); Arianos, ceterasque  
 huiusmodi pestes, quia eorum laicos conversos ad Dominum sub ima-  
 gine penitentiae, ac S. Spiritus sanctificatione per manus imposi-  
 tionem suscipimus; item S. Leonis (4); Qui baptismum ab Ha-  
 ereticis acceperunt sola invocatione Spiritus Sancti per impositionem  
 manuum confirmandi sunt. Quid enim Orientis morem a con-  
 suetudine Occidentis segregat Gregorius; unum eundemque  
 esse affirmat Siricius, cum Innocentio & Leone? Et tamen ad  
 Antiquam Patrum institutionem provocat Gregorius, ad Synodi con-  
 stitutum Siricius. Præterea quid de Occidente narrat Gregorius?  
 Sola manuum impositione, in Haereticis reconciliandis Occi-  
 dentem usum? At extat Arausicanæ Synodi Canon I.; Haereticos  
 in mortis discrimine positos, si Catholici esse desiderant, si desit  
 Episcopus, a Presbyteris cum Chrismate & benedictione consi-  
 gnari placuit. Extat Epaonensis Canon XVI. Presbyteros propter  
 salutem animarum desperatis & decumbentibus Haereticis, si con-  
 versionem subitam petant, Chrismate permittimus subvenire. No-  
 dum hunc ut solvam, antea adstringam fortius aliis quæstio-  
 nibus. I. Confirmationis Sacramentum, videri in Occidente  
 frequentius designari solitum nomine impositionis manuum,  
 & invocationis septiformis Spiritus; in Oriente vero unctionis.  
 De materia Sacramenti Confirmationis non disputo. unctionem quo-

(1) Lib. XI. Ind. IV. ep. 67. (2) Ep. 14. n. 4. edit.  
 Op. col. 1167. (3) Epist. ad Helmo- Goult. col. 833. (4) Ep. 85.

*legitimo & unico S. Ecclesie baptismo ad regnum Dei regeneratione Divina preparantur, Sacramento utroque nascantur. Jam vero tribuemusne hoc Africanis PP., & Firmiliano & Cypriano, ut si notabilis aliqua discrepantia inter utrumque esset, hanc ignorarent? ut tam confidenter, re ignorata, hoc pacto argumentarentur? III. Quæro de Gregorio ipso; num eam divisionem ita instituerit, ut solum id quod nominatim exprimit, adhibitum in reconciliatione Hæreticorum intelligeret, ac non potius id expresse, unde discrepantia colligi poterat, cetera etiam si adhiberentur, non nominaret? Ita profecto videtur. Nam professionem fidei ab omnibus omnino Hæreticis requisitam, nunquam omissam, vel ex Laodicensi constat, hoc nimirum imperante (1), *Novatianos vel etiam Quartadecimanos, quos Græci Tessaradecatites appellant . . . Sed & Cathumenos eorum vel Fideles non recipi priusquam condemnent omnem hæresim plenissime; ante omnia autem in qua detinebantur. Et nunc qui apud eos Fideles dicuntur Symbolum Fidei doceantur, atque ita unctos sancto Chrismate Divino Sacramento communicare conveniet.* IV. Quæro de Synodo, quam Siricius appellat, quæ ea sit? Constantinopolitanam 1. esse, & Canonem VII. appellari Holstenius (2) putavit, quem reliqui ferme sequuntur. Sed mirum esset, eos Siricium Canones appellasse, quos nec admisit, nec probavit Ecclesia Romana. Præterea quæ de numero Canonum Cpx hujus Synodi disputantur; cum Græci tantum sequioris ætatis, Photius, Arsenius, Aristenus septem numerare videatur; ceteri vel duos commemorant, ut Synodus ipsa Damaso scribens, vel tres, ut apud Gratianum Anselmus Cardinalis, vel quatuor, ut Dionysius Exiguus; & Simeon ipse Logotheta ex Græcis: Itaque non vana est suspicio eorum, qui, cum verba hujus Canonis omnia inveniant in epistola, quæ sæculo V. data legitur Martyrio Antiocheno (3), inde hunc Canonem translatum in Concilii hujus Acta censent. Canone verò hoc Cpo rejecto, nullum nunc habemus Canonem, quem spectare Siricius potuerit, nisi Laodicenum, quem recitavimus. Laodicenum ergo appellasse Siricius videtur; qui quidem Laodicenus ita est restituendus, quemadmodum nos eum produximus. Nam quòd in vulgatis nonnullis præter Novatianos & Quartadecimanos leguntur *Photiniani*, existimandum est omnino intrusam fuisse eam vocem, vel quòd antiquiores codices eam non habent, ex quibus est Sanger-*

manen-

(1) Canon. 7. (2) Dissert. 2. De Leunclavii pag. 290.  
 Confir. (3) V. Jus Græco-Roman.

manensis, ante annos mille exaratus; teste Ceillier (1); vel quod pariter deest in antiquissimis versionibus, qualis est Ferrandi. Sed & Quartadecimani, qui ibidem nominantur, non alios esse a Novatianis judico, sed eorum genus, qui nimirum orti sunt a Sabbatio Quartadecimano, de quo Socrates (2) inter Novatianos schisma fecisse refert, atque adjunctis Presbyteris duobus Theodisto & Machario, affirmasse, Pascha *juxta morem Judæorum observari oportere*. His nodis adstrictam quæstionem solvere mihi facile posse videor, & Gregorium cum Siricio ceterisque decessoribus suis conciliare, hæc asserendo: Quod nimirum in Confirmatione manus impositio olim in Occidente præcipue spectaretur, in Oriente unctio; atque hoc pacto reconciliatio Hæreticorum fieret; ideo Gregorium sigillatim, quæ fierent, considerantem, Orientis morem a more Occidentis distinxisse; sed quod uterque modus Confirmationem vel conferret, vel repræsentaret; ideo iis verbis expressisse, quo apud Occidentales exprimi Confirmatio solebat; idest manuum impositione. Hunc modum præscripsisse Laodicenum, cum de solis Novatianis ageret, & Confirmationis Sacramentum intellexisse, quod Novatiani in baptismo conferre eam non solerent, teste Theodoro (3); *his quos baptizant Sanctissimum Chrisma non conferunt, ideoque cum ab hac Hæresi ad Ecclesiæ corpus revertentur venerandi illi PP. ungi præceperunt*; Posteriora Concilia id maxime spectantes quod erat a Laodiceno statutum, hunc morem ad omnes Hæreticos extendisse; ea præterea ratione ductos, quod hoc præcipue Sacramento, Spiritus Sanctus conferri dicitur. Jam vero Spiritus Sancti gratia, & Sacramenti baptismatis effectus tunc primum operatur cum Hæretici in Ecclesia Catholica esse incipiunt; tunc enim, ut Augustinus ait (4); *Accipiunt, quod non habebant, ut salubriter habere incipiant, quod tanto perniciosius quanto indignius habebant*; atque ut, ibidem addit, *non destruantur Ecclesiæ Sacramenta, sed ut ea ipsa intus salubriter habeant*; ideo sub quadam Sacramenti Confirmationis imagine (si jam Sacramentum hoc in Hæresi acceperant) reconciliatos fuisse; uti etiam *sub imagine penitentia* (quod in prænitentia quoque manus imponeretur) reconciliatos eisdem ait Innocentius (5). Cum vero semper in reconciliatione Hæreticorum, aut ipsum Confirmationis Sacramentum occurrat, aut imago Sacramenti, quæ quidem verum existere Sacramentum indi-

(1) Tom. 4. pag. 737.

(2) Lib. 3. cap. 11.

(3) Lib. 3. Hæretic. fabul. cap. 5.

(4) Lib. 3. contra Crescon.

(5) Epist. 24. num. 4.

indicat, ut hominis imago significat verum existere hominem; hinc nihil juvantur Hæretici Sacramenti Confirmationis traditionem evertere conantes (quod objicit Holstenius) ab iis qui ritus omnes, & nomina Sacramenti Confirmationis ibi etiam admittunt, ubi verum Sacramentum non est. Hoc pacto ab iis recedimus, qui in Hæreticorum reconciliatione Chrismate factam semper agnoscunt Confirmationis Sacramentum.

8. Præterinittimus formularum fidei usus minus celebres, ut ad eum veniamus, qui primus fuit & obtinere inter eos præcipuum locum debet; ut scilicet quæ sint Christianæ fidei dogmata definiere, & quæ credenda essent Fidelibus proponerent. Antiquissimi Ecclesiæ Patres formulis his utebantur. Nunc Canonibus res tota peragitur, atque in eos conjiciuntur cum quæ ad Fidem, tum quæ ad doctrinam pertinent. Nec verò nego, quod doctissimus Feltrienfis Episcopus docuit (1), Fidei dogmata *Canonis* nomine nuncupari aliquando, atque hanc etiam doctrinæ partem, in qua de Fide agitur, Canonico Jure contineri: item in codicem Canonum Fidei definitiones fuisse relatas, quod videre licet etiam in Codice a Quæsnello producto; quem tamen esse non putamus, qualem titulo illo haberi voluit, Codicem Ecclesiæ Romanæ. Ceterum apud Veteres dicimus frequentius Canones, atque definitiones ipsas Fidei solere distingui. Pelagius II. (2) de generali Synodo scribit; *Omnes novimus, quod nunquam Canones, nisi peractis definitionibus Fidei, nisi perfectis Synodalibus gestis habeantur, ut servato Ordine, cum prius Synodus ad Fidem corda adificet, hinc per Regulas Canonum mores Ecclesiæ actusque componat*. Facundus Hermianensis (3) cognovisse ait Marcianum; sibi cedere non posse impune, vel quæ jam de Fide Christiana rite fuerant constituta, discutere, quod nullatenus licet; vel novos constituere Canones, quod non nisi multis & in unum congregatis primi Ordinis Sacerdotibus liceat. Atque hinc de Eutychis libello Dioscorus; *numquid habet, quia Canon? non est Canon: aliud Canon aliud definitio*. Hic vocis Canon vulgarior postea & communior usus. Nihilominus quod Symbolum regula esset credendi; hinc Rufinus (4) de Apostolis; *banc credentibus dandam esse Regulam statuunt*. Augustinus (5) *Regula Fidei quod Symbolum dicitur*, & paulo superius, *Symbolum est breviter complexa Regula Fidei*. Tertullianus (6) *Regula est autem Fidei, quæ creditur unum omnino Deum esse &c.* atque

(1) Institut. Jur. Canon. cap. 7.

Symbol.

(5) Lib. 1. de Symbol.

(2) Ep. ad Eliam Aquilej. cap. 17.

cap. 1.

(6) De Præscript. cap. 13.

(3) Lib. 12. cap. 3.

(4) Expos.

atque alibi (1); *Regula autem Fidei una omnino est, sola immobilitis, & irreformabilis credendi scilicet in unicum Deum omnipotentem &c.* Hieronymus (2) de Montano; *Primum in Fidei Regula discrepamus &c.* S. Leo (3) *Regulam Fidei* vocat Symbolum per *antiquitatem Apostolica institutionis acceptam*: ubi animadvertere licet *Regulam* vocari adjecto nomine *Fidei*, quod alteram significationem vocis *Canon* subindicat. Ita *Regula veritatis* simili modo dictum Symbolum reperitur. S. Irenæus (4); *Cum teneamus nos Regulam veritatis idest, quia sit unus Deus Omnipotens &c.* Novatianus (5); *Regula exigit veritatis, ut primò omnium credamus in Deum Patrem & Dominum Omnipotentem &c.* & alibi (6); *Eadem Regula veritatis, docet nos credere post Patrem etiam in Filium &c.* Græce eodem modo τῆς πίστεως τὸν κανόνα Nicænum Symbolum vocat Calchedonenſe (7). Omitto similia nomina: ut *Regulam Catholici & Apostolici Symboli*, quod occurrit apud S. Leonem. (8) Contra etiam Fidei definitiones quæcumque sint Symbolum vocantur, atque hæc nomina conjunguntur & permiscuntur. Ipsa Synodus sub Sergio Patriarcha lecta Imperatoris Heraclii Ecclēsi (quæ in Lateranenſi sub Martino (9) continetur) exclamavit; *Hæc sunt Patrum dogmata, hæc sunt præsidia Ecclesiæ, hæc Orthodoxæ Fidei stabilitas, hæc Sanctorum quinque Conciliorum Symbola*. Quando etiam S. Cyrillus & Jo. Antiochenus Patriarcha simul convenerunt, quod tunc editum est Fidei decretum, Symbolum appellatum fuit; *Objiciunt nobis*, ait Cyrillus, *Adversarii quod novum Symbolum receperimus* (10). Justinianus (11); *Fidei definitionem, hoc est Sacrosanctum (μυστήρια) documentum sive Symbolum resinemus atque custodimus a SS. Patribus cccxviii. expositum*. Et in ejusdem edicto adversus III. Capitula (12) *Anathematizaverunt eos, qui aliam definitionem Fidei, sive Symbolum sive Documentum tradunt*; ut pro eodem habeat ὁρον πίστεως, σύμβολον, μυστήρια. Atque hinc fortasse non male legunt mss. codd. quidam in Leone M. (13) de Attico; *Chalcedonenſis Symboli definitionem de Fide .... profiteatur*, licet alii habeant Synodi.

(1) De veland. Virgin. cap. 1.  
 (2) Ep. 41. num. 3. ad Marcell.  
 (3) Serm. 60. cap. 2. (4) Lib. 5.  
 (5) De Trinit. cap. 1. (6) Cap. 9.  
 (7) Aët. 3. (8) Serm. 23.  
 (9) Secret. 3. (tom. 3. Collect. Hard.

col. 799. ) (10) In epist. ad Jo.  
 Tom. 5. Oper. part. 2. pag. 112.  
 (11) L. 7. C. de Summ. Trin.  
 (12) T. 3. Coll. Hard. col. 303.  
 (13) Ep. 132. al. 128.